

Na osnovu člana 46. Statuta Univerziteta Sinergija, a u cilju razvoja mobilnosti, na sjednici Senata Univerziteta održanoj 08.12.2022. usvaja se

STRATEGIJA O MOBILNOSTI  
AKADEMSKOG OSOBLJA I STUDENATA  
UNIVERZITETA SINERGIJA  
**2022-2027**

Internacionalizacija je proces kojem teže visokoškolske ustanove širom svijeta, u cilju oblikovanja, podržavanja građana svijeta, odnosno širenja interkulturalne pismenosti, tolerancije. Nemali je broj programa, podržanih od strane EU koji ovakve aktivnosti podupiru, bez obzira na to da li je obrazovni prostor u kojem se nalazi ustanova u okvirima Unije ili ne (da li govorimo o programskoj ili partnerskoj zemlji).

Osim toga što pomenuti programi omogućavaju pokretljivost akademskog osoblja i studenata u mnogo zemalja, na gotovo sve tačke zemljine kugle, brojni su programi koji motivišu i internacionalizaciju kod kuće. Bilo da se radi o kraćim mobilnostima, treninzima, praksi ili onima koji obuhvataju duže vremenske okvire, njihovi ciljevi uglavnom idu u istom smjeru – boljeg upoznavanja različitih kultura, nacija, jezika, običaja, i u konačnici, kako je već naznačeno – umanjene diskriminatornog ponašanja, netrpeljivosti, stereotipa.

I pored svih zajedničkih napora, čini se da je i dalje određen broj onih koji nisu uzimali učešće u ovakvim aktivnostima. Nekada govorimo o jezičkim preprekama, strahovima, neugodnosti koja je posledica nedostatka kulturološke osvješćenosti ili naprosto straha od izlaska iz zone komfora. Institucije nastoje da pruže podršku i u ovom pogledu – nerijetko organizujući kurseve jezika, kulture, informacione pismenosti i sl., a kako bi svoje studente i zaposlene ohrabрили da i sami uzmu učešće u različitim programima.

Univerzitet Sinergija Bijeljina nije izuzetak u tome. U harmoniji sa prethodno usvojenom Strategijom (za prošli period djelovanja), Univerzitet je ispunio gotovo sve postavljene ciljeve:

- unaprijedio je mrežu partnera, ali i individualnih saradnika,
- uzeo učešće u većem broju projektnih aktivnosti,
- organizovao povećan broj dolaznih i odlaznih mobilnosti,
- ojačao rad Kancelarije za međunarodnu saradnju,
- uzeo učešće u usavršavanjima u oblasti,
- postao nosilac Erasmus povelje za kvalitet u visokom obrazovanju,
- postao član Alijanse evropskih univerziteta,
- unaprijedio ponudu na engleskom jeziku namijenjenu akademskom osoblju i studentima iz inostranstva i drugo.

Prateći svoju novo-usvojenu Strategiju internacionalizacije za period 2022-2027., a slijedeći i upute i tokove relevantnih EU dokumenata, u saglasnosti sa domaćim zakonodavstvom, svoje napore usmjeravamo i ka razvoju aktivnosti mobilnosti. I u narednom periodu, Univerzitet nastavlja rad u nekoliko pravaca:

- kontinuirano širenje mreže partnera, kako iz reda programskih, tako i partnerskih zemalja,
- aktivno učešće u radu na pripremi i sprovođenju projektnih prijedloga i zadataka,
- praćenje aktivnosti nacionalne nadležne kancelarije,
- pravovremeno i transparentno informisanje studenata i akademskog osoblja – uz ukazivanje na sve benefite procesa razmjene,
- potpora učesnicima procesa u periodu dok razmjena traje (priznavanje aktivnosti koje su dio razmjene, potrebna reorganizacija plana rada akademskog osoblja),
- podržavanje studenata i akademskog osoblja u učestvovanju u programima projekata i mobilnosti, kroz jezičku podršku, administrativnu potporu, ali i kurseve informacione i kulturološke pismenosti, razmjene iskustava, okrugle stolove i dr.

Pobrojano se odnosi na odlazne procese, dok se jednaka pažnja posvjećuje i dolaznim procesima; ove namjene uključuju, ali se ne ograničavaju na:

- obogaćivanje palete programa/kurseva/treninga na engleskom jeziku (u različitim poljima i oblastima nauke),
- obogaćivanje ekstrakurikularne ponude Univerziteta na engleskom jeziku (umjetničke, sportske, turističke aktivnosti),

- ojačavanje kompetencija nastavnika na stranom (dominantno engleskom) jeziku,
- uvećanje ponude kurseva stranih jezika (engleskom i italijanskom, a dodat je i njemački, odnosno grčki jezik, u okvirima Centra za grčki jezik i kulturu, koji je postao dio Univerziteta) i dr.

Predsjednik Kancelarije za međunarodnu saradnju

UNIVERZITET "SINERGIJA"  
Br. 1-158-1/22  
8.12. 2022. god.  
BIJELJINA, Raje Baničića bb



PREDSJEDNIK SENATA

Prof. dr Milovan Stanišić

